

Wanwan Man o Woman we Oli Talem se Oli Transjenda

OL PRINSIPOL BLONG LIDIM OL LOKOL LIDA

Dokumen ia oli ademap long polisi insaed long *Jeneral Hanbuk*, 38.6.23, “Wanwan Man o Woman we Oli Talem se Oli Transjenda.” Stamba tingting blong hem i blong helpem ol lokol lida blong kaonsel wetem wanwan man o woman mo ol famli blong olgeta abaot sam samting blong stap tekpat long Jos.

Jeneral Gaedlaen

Long evri situesen, ol lokol lida oli mas:

- Lukaotem gaed blong Tabu Spirit.
- Tritim wanwan man o woman mo ol famli blong olgeta wetem lav mo respek taem oli stap tijim trutok blong gospel.
- Tingting long ol nid blong wanwan man o woman mo ol nara memba blong wod.
- Mekem sua se ol pipol oli mas andastanem gud mo no tantanem doktrin blong Jos long saed blong jenda.
- Lukaotem kaonsel. Ol bisop oli kaonsel wetem stek presiden. Ol stek mo misin presiden oli mas lukaotem kaonsel we i kam long Eria Presidensi.
- Mekem ol papa mo mama o olgeta we oli lukaotem ol pikinini oli pat, sapos ol pikinini oli no gat 18 yia yet.

Fasin blong Singaot mo Nem We Wan I Wantem blong Oli Singaotem Olgeta long Hem

Ol ofisol rekod blong Jos i soem seks we memba i bon wetem i kam long wol.

Fasin blong singaot mo nem we wan i wantem blong oli singaotem olgeta long hem, i sapos blong stap olsem wan samting bitwin wanwan man o woman mo famli blong olgeta, ol fren blong olgeta, mo ol memba blong Jos. Ol lokol lida oli no mas talem olsem wanem bae ol memba oli singaotem wanwan man o woman.

Sapos wan memba i laekem oli singaotem hem long hem, bae oli save raetem hemia long wan not insaed long spes we oli putum long membasip rekod, olsem “Nem We Hem i Laekem blong Oli Singaotem Hem long Hem.”

Oli Miting mo Aktiviti We I blong Wan Kaen Jenda

Wanwan man o woman oli go long ol miting mo aktiviti we i blong wan kaen jenda, folem seks we oli bon wetem i kam long wol.

Eni eksepsen, we i no sapos blong hapen, i mas folem “Ol Jeneral Gaedlaen” we oli putum long lis antap mo Eria Presidensi i mas apruvum.

Oli Aktiviti we Oli Go Kasem Delaet

Blong ol aktiviti we i go kasem delaet we i blong wan kaen jenda, wanwan man o woman i save go long ol kamp we i go wetem seks blong olgeta we oli bon wetem i kam long wol. Eksampol blong ol aktiviti olsem i tekem tu Oli Yang Woman kamp mo kworom blong Aronik Prishud kamp.

Blong ol aktiviti we i go kasem delaet we i no blong wan kaen jenda nomo, wanwan man o woman we i stap tekem meresin, o i operetem hem, o i gat sosol jenis long laef blong hem we i defren long seks we hem i bon wetem, bae i mas aot long aktiviti ia long naet. Ol yut oli stap long kea blong wan papa o mama o hem we i lukaotem pikinini folem loa, we olgeta nao oli responsibol long ol ples blong silip. Ol eksampol blong ol aktiviti we i no blong wan kaen jenda i tekem tu ol yang singgel adalt konfrens, ol Blong Oli Yut Oli Kam Strong konfrens, mo ol yut konfrens.

Oli Koling mo Oli Asaenmen

Oli no save singaotem o asaenmen wanwan man o woman we i tekem meresin, o i operetem olgeta, o i gat sosol jenis long laef blong olgeta we i defren long seks we oli bon wetem, blong (1) oli mekem ol wok we i blong wan kaen jenda, (2) givim seves olsem ol tija, o (3) wok wetem ol pikinini o yut. Oli save kasem ol nara koling mo asaenmen we i givim ol janis long olgeta blong gro mo givim seves long ol narawan.

Oli Smol Rum insaed long Oli Fasiliti blong Jos

Ol Smol rum i mas givim wan praevet mo sef ples. Yumi mas kea blong respektem praevesi mo ona blong evri man o woman.

Wanwan man o woman we i tekem meresin, i kasem operesen, o i gat ol sosol jenis long laef blong hem we i mekem hem i defren long seks we hem i bon wetem, i sapos blong yusum wan smol rum we i blong wanwan man o woman, taem rum ia i fri.

Sapos i no gat wan smol rum blong wan man o woman nomo, wan lokol lida i mas kaonsel wetem wanwan man o woman (mo papa mo mama o hem we i lukaot long yut ia) blong faenem wan wei blong stretem hemia. Ol opsen ia i tekem tu:

- Blong yusum wan smol rum we i go stret wetem seks blong wanwan man o woman we wan i gat taem hem i bon i kam long wol ia.
- Blong yusum wan smol rum we i stret wetem filing blong wanwan man o woman we hem i gat long hemwan abaot jenda blong hemwan, wetem wan we hem i trastem, blong mekem sua se ol narawan oli no stap yusum smol rum long semmak taem ia.